

L'ACTE POORRE LI SHMAIN DI RIICONCILIASION

LI RAPPORRE PROGRAISSIVE ANNUWELLE

**PRAIPAWRII PAR
MANITOBA INDIGENOUS RECONCILIATION SECRETARIAT
2023/24**

Summaire Aikzaicutif:

Li Shmain poorre la Raiconsiliasion ju Manitobaw

Li Shmain poorre la Raiconsiliasion ju Manitobaw raicogniize ki Manitobaw li sichuwii sur lii tairrain pi lii tairritwaire trajisionelle dii sette Nasion Aindaijinii: Dakota, Dene, Cree, Ojibway, Anisnew, Metis pi Inuit. L'Acte oossii raicogniize ki li Manitobaw chochune a bainifyii did lii rilasion histtawrik, culchure contemporain pi traitii avek li monde pi lii nasion Aindaijinii, tanjii ki li monde Aindaijinii ju Canada on montrii ainne raisilianse formidab pi kii on faite dii contribusion ainportan a notte sosyaitii, dan li maime tan on itii sujai a ainne groosse varyaitii d'abu sistaimik ki conchune. L'Acte pran dii prainsippe aitaablii dan li *Calls To Action*, did la Commision did la Veritii pi la Raiconsiliasion (TRC), did la *Daiclarasion did lii Nasion Unii sur lii Drwai ju Monde Aindaijinii* pi lii *Crii poorre la Justisse* dan la Dimand Nasionelle dan la Disparanse pi li Chwaje dii Famme pi lii Fiyye. L'Acte foornii oo goovarniman la responsabilitee poorre aitaablii pi maint'niirre ansamb li raispai dii rilasion ante lii Z'Aindaijinii pi li monde paw- Aindaijinii poorre bachiirre la confiansse, affiirmii lii z'agriiman histawrik, addaisii li gairisaj, affiirmii lii z'agriiman histawrik pi poorre criyii ainne sosyaitii aikitab pi ainclu ki ripawr anuwelman la raisponsibilitii sur li prograi an avansanla raiconsiliasion dan li Manitobaw.

S'ti ripawr ii bawsii did lii z'acsion prii par li goovarninam ju Manitobaw ante li 18 d'Octawb, 2023 pi li 31 d'Mars, 2024 (raifairii ainsii dan s'ti documan comme " la pairawd poorre rappawrtii"). Li Saicritaryotte lii Raiconsiliasion Aindaijinii ju Manitobaw summaire sii z'acsion dan saw, li nevyaima Shmain a la Raoconsiliasion Anyuwelle did li Rappawr Prograi. Lii raivizii dan s'ti rappawr on itii struchwii dan saink seccion prainsipalle: La Culchure pi li Langajje, la Santii, lii zAnfan pilli Jainne, la Justisse, l'Histwaire pi la Commaimirasion. Sitte struc-chure riflai lii thaime did li TRC pi ripraizante ain shanj markii dan lavniirre did s'ti projai

Awntte s'ti noovoo jiraiksion, li Manitobaw a prii l'acsion poorre avansii la Nasion Aindaijinii, sa vu jirsupportiili divailopman ju monde Aindaijinii, la culchure, li langaje. Pi li tairrain dan li Manitobaw. Poorre riflactii li chanjeman significan dan l'approsh ju Manitobaw poorre la vairitii pi la raiconsiliasion, Li rapporre an swite dan la maime manyaire a itii chanjii, li lizan von nottii ki li chanjeman dan la strukchure maintnan allume lii kat pilyii did la nasion Aindaijinii: la tairre, la culchure, li langaje pi li monde.

. Saw sa ainclu la rializiasion ju jiscoorre did li Troneki a faite ain commitman poorre criyii ainne pozision ki s'apelle, L'Assistan Daiputii Ministe poorre l'Andaijinii Aiksailan dan l'Aijucasion, ainne pozision ki a itii aitaablii li Janvyii 2024.

Lii z'Aindaijinii Manitobain sharsh li daiziirre poorre la santii fasse soovan lii z'awbstak poorre la santii culchurii ipii wayajii dii jistanse bain lon poorre riswairre dii tratman. Li Manitobaw ii tan tranne d'arranjii li systaime poorre la santi pi suppawrtii pludde Aindinii Manitobain poorre riswaire la santii plu prosh a la mazon. Li Manitobaw a mii an plasse ain staffe di suritii culchurelle pi ki oopooze la rasizimme. Li tranne s'ti staffe dan toote lii z'awrginization did lii sarvisse di dailivransse. Li Manitobaw a oossii criyii dii poozision poorre provizii lii santi culchurelle, tel que dii z'Ainfairmyaire Aindaijinii Naviigateur oo Cansaire ju Manitobaw. Addisionelman, li Manitobaw a ranfawrsii lii programme aigzistan poorre daivailawpii l'aksai, comme groossiii li Mon Chime di Santi an patnair avec la Santi Ootaritii d'Opaskwayak poorre awfriire lsarvisse poorre la santi mantalle pi addicsion dan la Nasion Crie d'Opaskwayak. L'oovrajje conchune oossii poorre ainproovii la sante, la securitii, l'ajucasion poorre lii z'anfan pi lii jainne Aindaijinii dan li Manitoba woo dissu leur 18 faitte. Poorre acconpliire s'ti bu, li Manitobaw ii t'an tranne di calloobirii avec lii Dirijan Aindaijinii poorre ritoornii lii sarvisse juricsionalle aindaijinii dii famiyye pi lii z'anfan(CFS). Ain n'aitappe significan sitai di provizii l'arjan a la Premyaire Nasion di Paigwisse avek oo dissu di 10 millyon dollare poorre la dilivranse ju CFS. Manitobaw a oossii, an partnair collaborii avec dii z'organization Aindaijinii poorre aidii lii jainne Aindaijinii Manitobain poorre aksaisiilli sarvisse sosial avec lii sarvisse mantal di santii, pair suppawr, pi l'abu dii sarvisse di substanse pi l'addicsion.

Li goovarniman ju Manitobaw a commansii a pripawrii poorre coordonnii, ainne riponse stratajiik a la MMIWG2S+ criize paraitablii li MMIWG2S+ pi li Gender-Based Violence Committee of Cabinet avek li Matriarch Circle poorre avansii l'ootomization pi la securitii dii fame, dii fiyye pi li monde a 2s'aisprii. Plu larje, li Manitobaw a oossii lansi ain n'ishiinyatiiv poorre protaijii lii Manitobain Aindaijinii did lii crime viiyolan, ipii ainsurii lii traitman juste pi favoorab an avan did la lalwai. Sa ainclu d'approovman oo Premyaire Nasion di kaind l'orde oo programme poorre oogmantii lii nombe dii communootii ki partisippe, pi laissii lii z'ooffisyii anforsii lii statute pi lii raigleman provansialle pi laissii lii z'affaire d'aite rizolvii an travail la justisse raistoratif oo d'ootte mawdelle de justisse dan la communootii. Plu ainportan, kan ki on prii l'offise dan li 23, d'Octobe, li noovoo goovarniman on rivairsii la disizion praisidan did laq provainse pi on annossii qui von conjwiire ainne chaqrsh humaindan li Prairie Green Landfill poorre lii cawrre did lii du famme di Premyaire Nasion an craiyan ki son law. Dan ain commitman spirichuelle poorre lii du famiyye, L'Honorab Premyii Ministe a conjwii ainne sairimonii di pupe avek lii famiyye pi sa aikscuzii a luzote oo non dii du, li goovarniman ipii lii Manitobain compassionan plu larjman.

Li govarnman Manitobaw oossii travayye poorre aintaigrii lii z’histwaire Aindaijinii dan la groosse histwaire ju Manitobaw ki ainclu dii z’inishyatiiv poorre hawnawrii lii Survivan dii zAicolle Raizidansialle. La Laijislasion a itti oossii passii dan sitte tan di rappawrtii pi ricognizii La Joornii dii Shmiiz Rhooje a ainne annyuwelle joornii di vacanse stachuwelle li 30 Septamb ipii poorre ricognizii Louis Riel comme li Premyyii Minisste ju Manitobaw. Li Manitobaw a oossii supportii pluzyeure d’organiizasion an travail la provainse poorre commaimorii la raizilyanse pi la ligassii did l’Assiniboia Residential School oo z’ailaive avoo l’aicolle raizidansyairre s’troovai. Li Manitobaw a oossii avansii l’antrainnman ju monde Aindaijinii poorre lii travayyan ju goovarniman sur l’histwaire provansialle Manitobaw, avek la consantrii spaisifik sur lii z’iicolle raizidansialle. Pi anfaan, li Manitobaw a supportii an masse di z’avantaire pi on coolaborii avek dii comunootii pi dii z’organizasion poorre aincorporii la culchure Aindijinii dan lii muzii, lii parke pi d’ootte aispasse.

Lii partineur son trai vitalle poorre loovraje di raiconsiliasion pi s’ti rappawre a oossii ammainne an avan lii z’asheve ainportan dan pluzyeure di plasse tel que l’aiconomiik raiconsiliasion pi lii mazon. Saw sa ainclu ainne comunootii avek li goovarnman fedairal poorre ainvaistii juska \$60 millyon dan *OneNorth* – ain partenaire ante lii comunootii Aindaijinii pi non-Aindaijinii ki apparchyain pi oopaire li Churchill Gateway System, ki oossii ainclu li Hudson’s Bay Railway pi li Port of Churchill comme dii poossaidii dii rizoorse Aindijainii li lii z’actiffe pawssii. I Manitobaw oossii proviize \$19.9 millyon poorre supportii li daivailopman dii prawjai lawjman Aindaijinii pi l’angajii ainne addisionelle \$7.5 millyon comme ainne parchii dain n’approshman grajuwii poorre suppawrtii lii Manitobain ki aikspirianse pad shinoo oo ki va putraite veniirre pad shinoo, avek ain consantrii oo fame Aindaijinii, li jainne pi lii z’aindivijuelle 2SLGBTQIA+.

Lii z’inishyatiive fichurii dan s’ti rappawre riflai lii premyii paw rifraishii, anchyii di goovarniman ki s’apprawsh vairre la raiconsiliasion. An masse l’oovraje s’raiste poorre rande la balance avek lii railasion oo Crown-Indigenous. Li Manitobaw ai committii di faire dii aiksplaitif pi dii chanje pozitiive ainsii kon marsh ansamb sur li shmain di vairitii pi raiconsiliasion.